




2015



谷音





Centimetres
TIFFEN Color Control Patches
© The Tiffen Company, 2007

Blue Cyan Green Yellow Red Magenta White 3/Color Black


Inches
1 2 3 4 5 6 7 8
1 2 3 4 5 6 7 8

四部叢刊集部



四部叢刊集部

谷音



上海涵芬樓藏舊
鈔本原書葉心高
營造尺六寸三分
寬四寸八分

谷音名目

王澐六首

程自脩七首

冉琇六首

元吉五首

孟鯁四首

安如山二首

王翥五首

師巖六首

張琰五首

汪涯三首

詹本三首

皇甫明子三首

丁開四首

鮑輓七首

崔璆三首

魚潛五首

柯芝三首

柯茂謙二首

邵定二首

熊與猷二首



晏又二首

孫璉二首

楊應登二首

楊雯五首

曾童子澈一首

潘易布衣一首

瀟湘漁父一首

古碑文一首


閩清野人一首

羅浮狂客一首

谷音名目終

谷音上

遼東王澹玄佐



澹博學醇行博州刺史迎為師教授弟子百餘

真祐中就拜宣撫遼東宰相累書請澹之鎮澹

不應浮海遊去

河之坊

河之坊矣截、其平豈曰不力言持其盈國既覆矣視

爾膏、云胡昊天不終惠我生云胡昊天疾威堂、輟

轉訖日四國卒荒偃仰在位不知匪滅不顧其行有粟

有粟亦集于岳則不敢饘抑餬余口諱曰哲矣孰秉其

咎知我懷、不知我疚涉彼南山石其扁矣戒爾勿傷

足其趺矣嗜、嗜、顏之覲矣倚余何言涕之泣矣民
之種、具曰贅疣弗于爾躬曷云能瘳勗哉夫子保爾
有位慎爾為猶

感遇

迅景走北陸高木交翔風象情悅茲治豈云惠其終萬
事無不有流轉大化中古來論成敗吐、魚為龍牛車
竄下國勢異情則同蒲姚本狙擊桓、湯武功彼美二
三子一笑清醕空

兩虎聞中野利乃歸衡虞血肉相蹂躪鼓吹行通衢獨
倚剗膂力箕踞傾百壺未必非禍福凡百持爾軀吾聞
虎畏羆吹竹不枝梧

光風蕩繁囿丹綠綴柔柯游子去萬里空閨歛翠蛾行
雲落江水酒盡不成歌雞飛與狗走妾命獨奈何
槁梧蒙絃冕崢嶸化侯王餐餌先百牢蘭烟浮玉房兒
女何所見拜跪色甚莊四海正聲聲威靈爾翕張哀哉
杞梓材棄捐官道傍

贈段十

相識風塵下斯文伯仲間騎驢逢聖日捫蝨對秋山忠
信偏成拙支離最得閑秦川貴公子早計造荆蠻

洛陽程自脩忘吾七首

自修性孝友讀書城東門翰林元祐之上其言
行除禮部郎中自修聞之弃家南去

歸龍門

來往空書札行藏但布衣直為知己用可惜轉頭非歲
月百憂集江山一笑歸禰生狂到死君子要知機

出城

束帶供人事扶藜強病身誅求非上意盜賊本良民濕
翠山藏雨輕黃柳帶春小兒隨白首行坐各霑巾

獨坐

終南在吾目秋色遠接應誰招天外翠來作牕中靚娟
娟初畫眉盈、獨臨鏡雲去物象空日出心源印我欲
往從之有客誇捷徑洗耳復洗耳松風入清聽

痛哭

日射石虬鱗甲開草色又換青春回精靈聚散豈拘束
山鬼叫呼松栢哀當時涕天蕭鼓動今日悲風陵上來
匆、今古成傳舍人生有情淚如把乾坤誤落腐儒手
但遣空言當汗馬西晉風流絕可愁悵望千秋共瀟灑

歲云暮矣

歲云暮矣有工休獨持千古拱索遊丈夫礪落如天日
促、胡為升斗謀望塵下拜乃東市山中茹芝可白頭
嗚呼此道棄如土眼中歷、聖賢蠹鄉里小兒純那歌
前輩先生八風舞欲挽東流無萬牛抱膝長吟聽更雨

送元吉歸河東

獨憐風格困塵埃敢料天涯共酒盃花鳥偏於前輩好

江山更有後人哀，顏回盜跖終歸命。諸葛曹丕豈論才，正自別離愁未透，更教柳色帶青來。

王猛墓

男兒有才須有識，死墓蠻夷真可惜。君不見渴虎不飲盜泉水，始悟虞君今已矣。

瑯琊再瑤溫季六首

瑤好縱橫談業漁，獵世為李氏客難。且作瑤累書止之不聽，乃南走渡江聞。璫滅東鄉三哭伏

劍

蓬萊閣

倚闌吟不就，看劍老相催。鳥逐孤雲沒，帆從別國回。魯

連惟有死王粲，不勝哀為問。依柳秋聲何處來。

過臺

游目過臺上，煙色秋曖暎。當時駐文輿，君臣良宴會。歌鐘正喧嘩，華纓接飛蓋。行樂遽未央，已見顏色改。爽鳩焉可知，齊景尚何在。世運如日月，朝夕還相代。

海州

波濤起天末，舟楫滿城隅。管晏非王佐，田韓有霸圖。何門堪級履，吾道欲乘桴。倚杖春風近，含愁向綠蕪。

宿京口

推蓬在京口，山色對秋眠。搔首半帆落，懷人孤月懸。形骸成獨往，風物共流年。隨處逃名姓，烏啼又發船。

秦吉了

有鳥秦吉了鳴鼓一何悲自言承主恩十載供提攜離
籠閉羽翼繫以雙華絙一朝不終惠零落投荒夷自傷
去漢土豈不懷南枝誠堪利主家生死不敢辭努力萬
里風寄此長相思

獨立

獨立春將晚周游道正窮江山千古後形影百年中士
論元無的人生各有終臨危負知己淚落海雲東

河東元吉文中五首

吉太原大俠人也報仇市上吏來捕更殺吏走
太行谷中會以赦歸乃絕嘗與游者三年通左

氏史記家益貧至元甲子從戍開平道卒

上黨

怒山出老掌拳寒色頑巖巖城根掉沙水斗絕虎相視
惜憶昔宣武兵最彊合圍步驟如搯吭卽知一叱立破
散進通亞子口尚黃嗚呼皇天肯悔禍豈有盜賊稱天
王要留千古論曲直故壘依稀榆葉赤

自葫蘆河至居庸關

男兒不成名命也負羈絏投袂出門去浩蕩破邊色飛
沙白盪胞落葉黃沒膝微陽割層嶼山骨緊格、扶眼
已崢嶸置身何突兀健鷗勢欲落老馬智亦屈氣岸勇
枝梧脉絡大包括物候秋冬交土風夷夏隔懷歸畏簡

書欲往投鬼域無言答酸楚有血洒寥閬古來喪亂中
天地坐踣躄形骸盡則已烈士要馬革

陪翟三游平州東城

老境逢春色平州聚德星不堪歌敕勒并欲索丁零雪
泥殘年白山呈太古青殊方更分手暮角若為聽

早發博州

落：空城在蕭：獨客歸古今殊未了心迹每相違魏
國山河羨唐家節度非偷生慚宿鳥霜月上征衣

夜坐

森：夜氣落寒欄閑把離騷酒正酣忽憶梅花不成語
夢中風雪在江南

曲阜孟鯁介甫四首

鯁沈毅雄略中統癸亥山東兵欲起劫鯁計事
甲者三至鯁不肯遂被害

徐州

徐州壓城霜未楮可能回首風塵下當年縞素從西來
仰天伏地聲嗚啞君臣大義日月白牧野鳴條其亞帝
王氣象佳葱：舉半却類田舍翁美人瓊玉是糞土四
海正在水火中如龍如虎尚蹉跎况乃監子貪天功

南京

惜：坊陌傍深春活：河流雨過渾花鳥幾時克貢賦
牛羊今日上丘原猶傳柳七工詞翰不見朱三有子孫

我亦前生梁楚士獨持心事過夷門

猛虎

猛虎被束縛皮肉不相保人生到錯迤天地亦草古
來割據何代無可憐百萬殉匹夫漁陽突騎如風火青
州城門缺作樞丈夫好在識時務座上赤龍公莫舞沙
海荒魂不歸莫說青州淚如雨

折花怨

匆匆杯酒又天涯晴日牆東叫賣花可惜今生不全死
却隨春色去誰家

廣漢安如山汝止二首

如山善擊劍左右射讀經史百氏之書端平甲

午安撫曹友開辟掌書記不起友聞戰死三泉
如山往收其骨藏諸其先之側乃東下老于會稽

曹將軍

將軍精悍姿齒碎鉄石在昔童稚中但聞飽經術縱
橫騎柔翰丹腹間金碧有司塞明詔救邑屈詞伯芹香
春水生冠玉侍重席脫略章句陋搜挾窮理窟未及文
化成其如王土窄丈夫報主願豈必蒙清秩蒼然請去
位滿面秋栗烈糾合熊虎群旌旆揚廣陌正當摩厲間
一鼓拔勦敵屯兵污水源千里斧截浩蕩排煙旻西
極安嶼岫柰何國無人腐儒秉旄鉞賞予入私門金湯

授盜賊公時奮臂爭及遭獻玉則三軍視馬首慟哭下
下天壁功成坐齟齬憤怒鬚挿戟中宵拔劍起肅、整
勁翮吐氣風雲生擗旗陷堅列貫穿死生地喋血天地
黑勢雖衆寡懸形未雌雄決路窮斷首尾衆盡仍手格
豈知龍虎逝黯澹山川色百萬尚震驚嗚呼死諸葛長
城但自壞千古痛稠結肉食無遠謀野史有直筆酒酣
歌節士島、霜月白

下瞿唐

去、如奔馬來、無盡船人心似江水日夜向吳天

成都王翦一飛五首

翦篤學尚氣吳曦謀反來請翦、陽風病瘖潛

往安丙謀誅曦事定匿巴中為農終身

送張判官歸巴州

回首三巴曲平生萬里槁衣冠無賴客花月可憐宵

灌口秋漲

所向愁無地窮源欲上天蛟龍胡爾怒鷗鷺更誰憐萬
里朝宗意群穴跋扈年生涯秋色裡獨立問漁船

吳宣撫故宅

社稷疲奔命乾坤服至誠扶持三蜀在出入兩朝榮豚
犬有道恨麒麟空復情家聲噴已盡國法用猶輕成季
翻無後花卿浪得名門庭黃鳥語几杖綠苔生威福何
偏重精神恐不平庶幾蒙世美凡百慎持盈

憶舍弟

藥物吾仍病花時汝未歸不眠愁月落獨立看雲飛詩
禮自持律飢寒誰解圍遙知理舟楫西望涕霑衣

浮世

浮世惟高枕平生有弊裘江花中酒日巴雨落帆秋老
矣英雄事愚哉盜賊謀啼猿自在一笑下滄洲

襄陽師嚴道立

嚴讀書識大義善禦射自園中拔身走行在所
上書論事不報拂衣去客死武陵

渡江

鹿門山人滄浪客洒淚已枯眼見骨風塵崢嶸萬里空

不知何處營三窟城中性命湯火近路窮援斷無消息
鼠竊狗偷何足憂都將十指謾天日大言濶步好公卿
三百年餘涵養成已聞鄭五但搔首復近龐涓豎子名
平時肉食誇果決誰信臨危跋躑行白頭面皺牙齒落
萬事已矣秋風生

大閱

長江天設險荊州國門西幕前杖斧鉞赫：齊晉尊熊
羆在掌握百万下敢噓固列屋嶠立動色虹蜺翻雖云
口口口亦是明主恩高秋鼓角壯濇澹傷精魂山南正
困危血肉連川原由來多壘辱豈不在大藩既同事王
室於義如弟勗勗哉從簡書郵鄰古所敦

蘭五見訪

漢陰美人青兕裘獨騎瘦馬尋荒丘花前下馬迎一笑
珠玉在側形骸羞酒酣散髮箕踞坐錦帶爛熳懸吳鉤
斷蛟刺虎好身手碧瞳如水涵清秋惜哉科目太脫略
壯士豈為章句囚中原格鬪困不已江波木落寒悠悠

庚午三月五日朱尚書席上醉歌

天風浩蕩何處來荆南府中好春酒我公此日盛賓佐
但飲毋勞問升斗座中十萬無下筋烏帽朱衣馬牛走
妙舞清歌如有神翠爛金明各回首人生行樂須壯年
小人再拜為主壽滿堂淚落起挽鬚臨饋三難成鬱紆
干戈未定郡國破亂臣賊子何代無主憂臣辱坐感激
忍對花鳥調歡娛近聞士卒願一戰猛氣正倚風塵麓
丈夫行事動千古快意一飽非雄圖

武陵客居

浩蕩千年調饑寒八尺身不愁逢麴麴可笑擊麒麟殘
雪江村路空山澗水春時危終遠去道在豈全貧

小安早發

去國秦公子窮途阮步兵別離如昨日豪俠異平生江
月為誰好巴船何處行高秋伴搖落早發若為情

廣陵張琰汝玉

琰身七尺長鬣個儻有節槩補州牙兵隨制置
李庭芝潰圍南赴行在所追者及之麾下烏獸

散談獨聞死

出塞曲

腰間插雄劍中夜龍虎吼平明登前途萬里不回首男
兒當野死豈為印如斗忠誠表壯節燦爛千古後朝發
山陽去暮宿清水頭上馬左右射捷下如獼猴先發服
勇決手提血鬪饑兵家互勝負凡百慎前籌驅馬飲淮
水千里黃草平種穀却流血痛哭秋風生寡妻出租稅
孤兒荷戈行武威既不足願見和親成軍中日奏凱鼓
行遼海東當守怡玉色千金勞成功焉知昨日地組甲
去如空邊人不敢語將軍益褒崇

官柳

不見橋東黃布帘樹猶如此我何堪裊々亭々忒無賴
又將春色誤江南

漢陽江涯萬頃三首

涯家貧事母孝宣撫賈似道請為客當作露布
獻捷涯瞋目曰嗚人以利而退其師又兒弄主
上似道大怒搥殺之其母曰汝以直死我則不
辱可以下報先君矣亦自沈

江帆

江帆去々可腸斷千古萬古越王臺掃空黃葉晚風定
飛盡碧天晴鳥回半生無成坐筆硯萬事不理問樽罍
年々看梅今白首已矣英雄留七哀

采石獨酌

欲落不落月在手百年幾何持釣綸不知春色萬象表
綠煙漠漠入江橫天翻地覆有今夕酒熟詩溫無可人
向來談笑成黃土墮淚未了雞司晨

江行

江陵白魚如斫玉挂席獨去風日寒封題而竟寄白髮
兒涯不是作魚官
秋光蕩漾滿行色鄰舟吹笛不堪聞洞庭濯足一樽酒
夫君不來空白雲

谷音下

建安詹本道生三首

本溫言正行丞相江萬里薦為郎先致書本
方坐門前石上釣使者至問本居本曰前即持
竿渡溪去不知所終

春日携客游武陵

山脚健枝梧百里挿蒼峭
石可把曙色坐遠釣風
水真筍竿歷落太古調
衣冠帶莽蒼山鬼驚二妙雲月
正忘年花鳥更索笑迴船翠凌亂
曼道付長嘯

閑中

萬事問不知山中一樽酒掃石坐松風綠陰滿中袖

宿天台

風泉隔西屋，獨夜寒自生。
開窓失山色，白雲壓前楹。
累盡得滿洒，去住俱不驚。
鼻息答僧鐘，霜露入殘更。

四明皇甫明子東生 三首

明子性豪宕，乘小舟挂布帆。
載琴尊書籍釣具，往來江湖至元丙子發狂痛哭蹈海。

水國

水國淒涼，往秋宵爛熳。眠歸雲猶帶雨，墮月忽明船社。
稷資長筭，鬢鬢近暮年。亂離栖不定，百口托浮田。

海口

窮島迷孤青，颶風盪頑寒。不知是海口，萬里空波瀾。蛟

龍恃幽，沉怒氣。雄屈蟠崢嶸，扶秋陰挂蓆。潮如山熒惑，表南紀天去。何時還雲旗，光慘澹腰下。青琅玕誰能居，甬東一死諒非難。嗚呼朝宗意，會見桑土乾。

京口行

京口兵可用，酒可飲一語。參差族成血，忠賊相持各凜凜。豈知好醜隔形骸，父為孔鷺子為鳩。人衆天定理則，卯遺臭流芳且高枕。

長沙丁開復見 四首

開負氣敢言安撫，向士壁被問開獨詣闕上疏。
具陳士壁功大，軍府小費不宜推。究書奏羈管揚州歲餘卒。

可惜

日者今何及天乎有不平功高人共嫉事定我當烹父
老俱嗚咽天王本聖明不愁惟黨禍携淚向孤城

漂泊岳陽遇張中行因汎舟洞庭晚宿君山

聯句

元氣無根株丁地脉有斷絕張日月互吞吐丁雲霧自

生滅張楚妃結幽想丁巴客答青吟張寧知蒼莽中不

假巨釐力勢閱南紀浮丁思隨西風發形影寄孤舟張

吾道成缺舌笑談正凌傲丁俯仰不偏側每與景物會

張未省歡娛畢疊翠晚惜丁墮黃秋的一魚龍負屨

巖張獨鳥去不息曠原抱眇周抱丁異境超恍惚徑度

萬頃空張忽得一拳碧稍一雞犬近丁依一鐘梵夕推

門月微墮張煮茗初香歇衣裳識霜信丁瓶鉢了禪悅

事定心源清張夢回斗柄植周游興欲盡丁長往計未

决出門更回首張沙水盪虛白美哉神禹功丁已矣三

苗國山川長不朽張愚知俱可惜神交正冥丁指點

空歷一慎勿語俗人張桃源恐相失丁

建業

誰遣淒涼滿眼中蘋花渺一又秋風龍躡虎踞江山大

馬去牛來社稷空縱有千人惟諾一本無百歲更匆一

乾坤顛倒孤舟在聊復殘生伴釣翁

揚州歲暮

萬國春回日，層城晚眺餘。
江聲隔吳楚，原色到邳徐。
大閱軍容壯，狂歌客禮踈。
百年寒菽裡，風雨憶吾廬。

括蒼鮑輓以行七首

輓嗜酒，授簡萬言，教授得錢，悉送酒家，過客盡飲，乃去。晚益傲誕，衲衣鬢結，游青城不返。

襄陽行

今日何日天，氣柔東城騎。
馬花綉繆為君，停馬一呼酒。
花前倒披紫綺裘，玉脂汎濫魚鳥歎。
歌舞倦矣蛾眉愁，千金萬壽好賓主。
今我不樂歲如流，豈比世上狂馳子。
一語不合行掉頭，嗚呼天倫古所定。
非有大故寧相尤。

天馬

天馬抱竒相，緊骨腫方明。
出入百萬中，有如一鳥輕。
宇宙莽起踏風雲，慘經營獨倚雄傑態。
蕭蕭隨北征，朝飲南海頭。
夕秣乃幽并，夫主坐黯淡。
別群奮長鳴，豈無輕俠兒。
金羈懸朱纓，但感東昂義。
不忍負死生，低頭為君老。
暗：萬里情。

重到錢唐

生死雙飛正可憐，若為白髮上征船。
未應分手江南去，更有春光七十年。

無賴山光疊，清玉魚金盃早飄零。
冷思禹穴真竒事，千古衣冠托杳冥。

萬家歌舞送浮生，曾有滄埃答太平。
猿鶴沙虫天始定。

不須辛苦怨南征

聞道深春雪打圍誰憐身上藕絲衣莫憂白壁成塵土

解逐南風萬里歸

惟有寒潮不世情朝暮過空城百年車馬閭門外

獨春風草又生

京口崔瑗子平

三首

瓊美風儀善談論脫病狂携大瓢貯酒行市拍

掌歌笑未死十日自表石題曰醉御伯崔瑗之

墓

携錢汎江

酒星落京口化為崔子玉孤舟載壺觴水花紅映肉小

兒唱銅斗大兒倒醕醪一啖不知年浩蕩天地屋慎勿
臨竇呼人生隨轉燭嗣宗禮法仇鍾會被殺戮

吐

吐復吐小兒成老翁公微各形色追琢元化工不
知春風去又見并綠叢主人美容懷載酒行溪東一步
一回首十步樽已空靈均與太白醒醉同所終願見化
蟻蠅生死托壺中

今日一何好

今日一何好花下醉狼藉醉中有奇事夢見生八翼浩
蕩排虛空靈君好顏色朱衣持大篆授我醉御伯損首
玉墀下臣瑗才蟻蝨封此抑何功請陳愚頑臆臣家京

口東門前大江碧臣願駕長風吹作酒萬石萬象各千
鍾拍：大庭國推枕在山中紙衾霜曉月

姑熟魚潛德昭五首

潛敦重和曷推分瘠泊不忤於物所居環堵掃

地林香彈琴讀書養鵝鴨百頭以給食終八十

餘

楊白花

楊白花誰教度簾幙搖蕩春風能幾何不比無情自漂
泊人生祇合作支離長秋鷓啼江水落

古意

青：陵上柏落：勁不摧人生百年內朝夕變所懷斗

酒命同好萬里不顧回聞有昌國君談笑黃金臺柔言
更長跪信是富貴媒但恐氣習移古今不同才寄言去
國者歲晚有餘哀

權衡堂公平天駒但伏櫪東井不抹渴倉庫何時實元
工肯假借名器甚可惜如何萬：古不行督責術

迷鄭祕書南歸

垂老乃如此憑高俱惘然空能正幾字好去作千年童
子歌鵲鶴幽人祥杜鵑江南獨爛慢春去得誰憐

闌歌

流雲行水出名姝酒盡花前雙玉壺此曲江南都忘却
春風轉調小單于

瑞陽柯芝士先 三首

芝早通五經善詞賦又詣行在所見章秘書求
讀書省中蓋通諸家教授生徒著書百餘卷子

茂讓

餘髮

餘髮蕭蕭、白垂頰十年一拙門庭冷來頻沙鳥頗相識
起晚憐鷄已三請形骸拄樹豈復好心緒如蓬不能整
平生幾緡空馭賭老去一杯先酌酌俗言祇虞方鑿迂
人事但恆幽居屏聖賢未必盡芻狗天地何堪共龜龜
若為苴履曾足芥幸不柳衫真欲瘦一教樵響何處來
獨立看雲發深省

耳

耳、非佳語陸、難為顏我生胡不淑多戚長鮮歡搖
落復已綠春風滿清干最靈起予興欲言骨肉酸園桑
摧為薪桃李亦半殘翹堯企晴燠九室十更寒飛錢如
美色乃入貴者闌立閭有穀賣窮襪朝無饅不售信寔
隱徒手良抱歎宛轉愒餘息溝壑分寸間吾輩正不免
遑暇卸彼瘵

橫江

橫江一片碧携雀上漁船收綸不成下却抱釣竿眠

茂謙退子 二首

江行早發

陶鑪煮孤影寒燈沸青花水開數江樹月落失人家

魯港

十年回首付雷襟斷甲沉沙齒深可惜使船如使馬
不聞鼓鼓但敲金人歌鬼哭都堪史木落江空正獨吟
遺老蕭條漸無語酒旗颭出蘆林

廬陵卻定中二首

定溫粹博雅通周易春秋宅邊植梅竹蘭桂蓮
菊各十餘本深衣大帶婆娑其間自稱六菊老

人

山中

白日看雲坐清秋對雨眠眉頭無一事筆下有千年

漁家

漁家臨水住春盡無花開年、謝流水流得好花來

豫章熊與蘇天樂二首

與蘇性介澹無妻不食肉通經史百事之書布
衣艸屨遊遊名山尤嗜彈琴草書

唐玄宗鐵像

巍冠攢疊碧雲花坐闕山中幾歲華莫把金丹輕點化
正愁生死困安家

太平詞龍亭次韻方巨山

耳見何如得眼聞山根磅礴極初分浮漚起滅自潭影
大地晴陰空嶺雲何處老人來聽講他年少府有移文

由來清調須吾輩幸不山王愧五君

宜春宴又明策二首

又明風度秀整主趙崇雍後雍逮繫又明白請
詣獄俱以疾終

訪吳

平生一語不肯吐浩然披髮行西休美人十日跨驢云
黃葉堆門雲雪深

夢中

春樹年、少寒雲浦、連片帆高浪起斗酒夕陽偏沙
市懷司馬州城哭老邊太平冠蓋盡尔敢望諸賢

大庾孫璉器之二首

璉家貧益嗜書不應選舉躬耕織履以食終百
歲

述懷

少也不諧俗老去益美間百草生已綠春雨滿南山朝
朝荷鋤去既夕驅牛還生長芴簷下貧賤甚獨安但願
桑麻長優游足歲年

坐倦秋樹根攝衣步前丘橫河淡如練破月西南流獨
持一尊酒悠然發清詠俯仰無不足吾生焉所求

臨江楊應發幼平二首

應發寬厚長者有德行言辭七試國子不第退
就耕牧老于南塘孫雲

水宿

水宿逢今雨，春歸及故園。聖朝臣已老，往事客何言。乞
米分隣里，看書到子孫。蒼茫不可會，一笑了清樽。

寄趙梅州

江城鴈叫天如水，寒色蒼蒼草木死。哀歌未斷月東出，
有才無命可流涕。今我不樂思梅州，東帶深衣百僚底。天
下規矩見卓絕，龍章麟角諸公子。白頭持節得蠻府，歸
來閉門呼不起。惆悵平生狗馬病，風后力收長已矣。為
公問酒日，酤熏天富貴憂患始。

愛天章五首

迢遙空同山

迢：空同山乃在西極巔，玉泉陰靈芝上有千歲仙。安
得凌風翼相從，白雲間神仙本冥漠。天運仍推遷，不如
酌我酒，或得成自然。田父要我語，飲者亦非賢。願君長
獨醒，加餐足高年。

宋武帝廟

溪聲答松風，巨石出老拳。古樹不知名，岌岌蛟龍纏。夕
陰互出沒，秋華帶芳鮮。葱蔥帝王氣，棟宇垂千年。虎賁
秉霜戟，慘澹生雲煙。宮人翠龍駕，手持玉連蜷。昌明坐
恍惚，精神雷在天。大呼司雍間，旬月無秦燕。昔為萬大
特，今受衆目憐。石馬亦埋沒，歲時草芊芊。小臣異代士
見之淚，迸泉齊人思。爽鳩蜀人哀，杜鵑江東舊。正朔禮

奉敢不虔但願君王心不忘載荻船下山又再拜白日
當空懸

宿峽市

人煙正搖落樓笛頗清圓老樹依山驛東風上峽船江
湖萬里外燈火十年前世路能令老吾生且醉眠

北客

北客相催發一日舉帆逢憐度開府歲晚望江南

早春

不知何處碧雲鄉冉冉平生可斷腸
惟底乾坤惟理在老來歲月更心長
城頭急鼓千家夢江上殘梅一水香
自作醉候開醉國笑人奔走為誰狂

盱江曾童子澈一首

鮑輓過盱江遇一童子矐目踈詡語必援古今
驚問逆旅主人子也明年載訪之死矣得其詩
一首于其同舍生

九齡行

我生九齡氣食牛喑鳴頓挫無匹濤白雲無根起天末
一身萬事同悠悠低頭拱手事先覺談笑未了成仇讎
一譽不足勝百毀言語起滅如浮漚聖賢可與知者道
麟鳳豈在山中遊遽然夢覺大槐國江花昨夜生涼秋

無名氏

番陽布衣

有書中山驛云回首萬里歲晚何言云

番陽布衣題

回頭四十五年非無賴
秋光滿客衣可惜吳中蓴菜好
陸機張翰不同歸

瀟湘漁父一首

崔瑗晚泊湘江淡烟微
月有客歌而過之追問
居與名置其釣竿長嘯而去

高枕形骸外空江何限情
落葉不成調半夜起秋聲

古碑文一首

揭大中云或漁于潭得片石字十數行率磨沒
僅識得二十八字意幽人憤士之作不合于時

故沉之以俟知者

乾淳老人氣岳，破冠穿履行帶索撐腸拄肚書萬卷
臨風欲言牙齒落

閩清野人一首

僧惠了行閩清谷中三日到一空舍稍憩有一
人荷鋤來便向壁竅睡僧既尋路還它日再往
已焚其舍惟斫樹白而書云

偶與雲水會不與雲水同雲散水流去杳然天地空

羅浮狂客

趙孟柔云柔錄事惠州聞羅浮道士言咸淳中
客有戴烏帽着靴往來山中見人輒大笑反走

三年不言姓名它日醉歸忽取煤書壁上云、
長揖度海去

雲意不知滄海春光欲上翠微人間一墮千劫猶爰梅
花未歸

谷音下終

右詩一卷凡二十三人無名者四人共一百首乃宋亡
元初節士悲憤幽人清詠之辭

京兆先生早游江湖得於見聞悉能成誦因錄為一編
題曰谷音若曰山谷之音如野史之類也刊於平川懷
友軒以傳於世今歷兵燹板已不存予幸藏此本風晨
月夕寂寥之中每一歌之則想像其人而愧不能彷彿
其萬一也未嘗不慨然久之今年先生之孫德基來從
予暇時輒示此編俾錄而歸之曰是爾祖手訂之文且
諸人小錄皆其自述言簡而脩是亦家傳之舊子能誦
而思之亦繼紹之一端未可以為小書而忽之也因嘗
論之時危世變臨難不避與夫長往自潔者不為不少

惜不盡傳於世也如是編數人苟非先生記其詩而傳之則泯沒無聞矣然則誦其詩者非獨取其雄渾冲澹而其心術之正出處之大可槩見矣德基其廣傳之毋為篋笥故紙云戊午重九日蜀郡張槩書

此詩予得之建安楊中舍仕倣觀張槩跋謂為京兆先生編京兆先生者杜徵君本字伯原其行具見元史隱逸傳中丙午都睦記

